



ՀՀ ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍԶԱԿԱՆ ՄԱՐՄԻՆ

ՀԱՆՁՆԱՐԱՐԱԿԱՆ № 02/05

Խախտումները վերացնելու մասին

« 13 » փետրվարի 2024 թվական

քաղաք Էջմիածին

ՀՀ բնապահպանության և ընդերքի տեսչական մարմնի (այսուհետ՝ Տեսչական մարմին) ղեկավարի 2023 թվականի հոկտեմբերի 30-ի թիվ N 239-Ա ստուգում իրականացնելու մասին հանձնարարագրի հիման վրա «Արմավիր ջրօգտագործողների ընկերություն» ԶԸ-ում (այսուհետ նաև՝ Ընկերություն) Արմավիրի մարզ, գյուղ Սարդարապատ Աբովյան փողոց 72 հասցեում (ՀՎՀՀ 04416305) ստուգում է իրականացվել 2023 թվականի նոյեմբերի 10-ից մինչև 2023 թվականի դեկտեմբերի 14-ը ներառյալ (25 աշխատանքային օր) պարզելու ստուգվող տնտեսվարող սուբյեկտի ծավալած փաստացի գործունեության համապատասխանությունը բնապահպանության ոլորտը կարգավորող օրենքների և այլ իրավական ակտերի պահանջների նկատմամբ:

Տեսչական մարմնի Արմավիրի տարածքային բաժնի գլխավոր պետական տեսուչներ Հայկ Հուսիկյանի, Սեդա Բադիշյանի, նույն մարմնի ջրերի, մթնոլորտի, հողերի, թափոնների և վտանգավոր նյութերի վերահսկողության վարչության ջրերի և մթնոլորտի վերահսկողության բաժնի գլխավոր պետական տեսուչ Վահե Սարգսյանի և Ընկերության տնօրենի մասնակցությամբ 2024 թվականի հունվարի 11-ին կազմվել է թիվ 02/01 ստուգման ակտը, ինչի արդյունքում 2024 թվականի հունվարի 18-ին կազմվել է վարչական իրավախախտման վերաբերյալ թիվ 02/05 արձանագրությունը հետևյալի մասին՝

Ընկերության տնօրենի կողմից չի կատարվել 2020 թվականի նոյեմբերի 17-ին Լիազոր մարմնի կողմից տրված N 000165-000168 և 2020 թվականի նոյեմբերի 30-ին տրված N 000180-000215 ջրօգտագործման թույլտվություններով սահմանված 13-րդ կետի պահանջը, այն է 2020 թվականի նոյեմբերի 17-ից մինչև 2023 թվականի նոյեմբերի 17-ը և 2020 թվականի նոյեմբերի 30-ից մինչև 2023 թվականի նոյեմբերի 30-ը իրականացրել է ջրառ թվով 174 խորքային հորերից, որոնք կահավորված չեն եղել ջրաչափիչ սարքավորումներով և կապարակնքված չեն եղել Լիազոր մարմնի կողմից

մինչ ստուգման ավարտը, **ինչով խախտվել է Հայաստանի Հանրապետության ջրային օրենսգրքի 27-րդ հոդվածի 2-րդ մասի պահանջը:**

Ընկերության կողմից ներկայացված Ձև N 2-SԱ (ջուր) տարեկան վարչական վիճակագրական հաշվետվություններում 2020-ից 2022 թվականների համար չեն ներառվել Տանձուտ, Եղեգնուտ, Արտաշար, Երասխահուն, Զարթոնք և Վարդանաշեն վարչական տարածքներում գտնվող թվով 8 պոմպակայանների միջոցով մակերևութային ջրային ռեսուրսներից իրականացրած ջրառի ծավալները, ինչպես նաև տարեկան վարչական վիճակագրական հաշվետվություններում ամբողջությամբ արտացոլված չէ փաստացի շահագործվող թվով 204 խորքային հորերի քանակը:

Վերոգրյալով խախտվել են «պաշտոնական վիճակագրության մասին» Հայաստանի Հանրապետության օրենքի 18-րդ հոդվածի 4-րդ և 5-րդ մասերի պահանջները:

Ելնելով վերոգրյալից և ղեկավարվելով «բնապահպանական վերահսկողության մասին» Հայաստանի Հանրապետության օրենքի 27-րդ հոդվածի 5-րդ կետի «ը» ենթակետով, «Հայաստանի Հանրապետությունում ստուգումների կազմակերպման և անցկացման մասին» Հայաստանի Հանրապետության օրենքի 6-րդ հոդվածի 1-ին մասով՝

ՀԱՆՁՆԱՐԱՐՈՒՄ ԵՄ

1. «Արմավիր ջրօգտագործողների ընկերության» տնօրեն՝ Վահագն Արշակյանին

1.1 Մինչև 2024 թվականի ապրիլի 30-ը շահագործվող խորքային հորերը ապահովել ջրաչափերով և սահմանված կարգով Լիազոր մարմնի կողմից դրանք կապարակնքել:

1.2 Ընկերության կողմից 2023 թվականի համար ներկայացվող Ձև N 2-SԱ (ջուր) տարեկան վարչական վիճակագրական հաշվետվություններում ներառել Տանձուտ, Եղեգնուտ, Արտաշար, Երասխահուն, Զարթոնք և Վարդանաշեն վարչական տարածքներում գտնվող թվով 8 պոմպակայանների միջոցով մակերևութային ջրային ռեսուրսներից իրականացրած ջրառի ծավալները և մինչև 2024 թվականի փետրվարի 25-ը ներկայացնել Բնապահպանության և ընդերքի տեսչական մարմնի Արմավիրի տարածքային բաժին, ինչպես նաև տարեկան վարչական վիճակագրական հաշվետվություններում ամբողջությամբ ներառել փաստացի շահագործվող թվով 204 խորքային հորերի քանակը և օգտագործված ջրառի ծավալները:

2. Սույն հանձնարարականի կատարման մասին տեղեկացնել Տեսչական մարմնի Արմավիրի տարածքային բաժնին հանձնարարականը կատարելուց հետո՝ երեք օրվա ընթացքում:

3. Սույն հանձնարարականը կարող է բողոքարկվել վերադասության կարգով Տեսչական մարմնի ղեկավարին կամ դատական կարգով՝ որոշումը հանձնելու (հանձնված համարվելու) օրվանից հետո՝ 30-օրյա ժամկետում:

Բնապահպանության և ընդերքի տեսչական
մարմնի արմավիրի տարածքային բաժնի պետ՝

Արսեն Խաչատրյան

(հանձնարարական տվող անձի պաշտոնը անունը, ազգանունը)



Ստացա սույն հանձնարարականի մեկ օրինակը՝

«Արմավիր ջրօգտագործողների ընկերություն»

ԶԸ-ի տնօրեն՝

Վահագն Արշակյան

(ստորագրությունը)